

## NTAÑ-NDỌK NTI IKỌT ABASI

1 Nwede Thessalonica 4:13-18; 5:1-24.

ỌYỌHỌ UKPEP-ŃKPỌ 412

Eke Ikpọ Owo

**IKỌ IBUOT:** “Koro nnyin ida ikọ-inua Ọbọñ idọhọ mbufo ntem ite, nnyin emi idude uwem, emi isuhode itie ibet eridi Ọbọñ, idibemke mmọ emi edede iso ke baba usuñ kiet” (1 Nwede Thessalonica 4:15).

### I Ndọnesit Ke Abańa Mmọ Emi Ekpade

Mme akpa mkpa ke Christ eyebemiso eset, 1 Nwede Thessalonica 4:13-16; 1 Nwede Corinth 15:23.

Eyetań mme odu uwem nti ikọt Abasi edọk ye mmọ, 1 Nwede Thessalonica 4:17; 1 Nwede corinth 15:51, 52.

Enọ nnyin Ikọ Abasi ndidọń nnyin esit, 1 Nwede Thessalonica 4:18; 5:11; 2 Nwede Corinth 1:3, 4.

### II Ekpeme Eridi Esie

Enye eyedi nte inọ ke okoneyo, 1 Nwede Thessalonica 5:1-4;

Matthew 24:42-51.

Anditiene-Christ enyene ndikpeme, 1 Nwede Thessalonica 5:5-10; Matthew 25:1-13.

### III Item Emi Enode Mme Anditiene-Christ

Ekpono mme ada-usuñ mbufo, 1 Nwede Thessalonica 5:12-15; Nwede Mme Hebrew 13:17.

Bọń akam nyuń nọ ekọm, 1 Nwede Thessalonica 5:16-20; Nwede Mbon Philippi 4:6.

Sua se idiokde, nyuń mum se ifonde kama, 1 Nwede Thessalonica 5:21-24; Psalm 34:14; Nwede Mbon Rome 12:9.

## SE EKPEPDE EBAÑA

### Mme Ikpọ Nkpọ-Ntibe Iba

Ikọ emi, “eritọńọ ntak ndi Christ” etiń abańa ikpọ nkpọ-ntibe iba. Akpa edi Ntań-ndọk Ufọk Abasi, ke utọ ini emi, mmọ oro ebeńede idem ikpọń edikut Christ; kpa ini oro eyemen mmọ edọk ke ofim ndisobo ye enye. Ọyọhọ nkpọ-ntibe iba edi Eriyarare idem Christ ke adańa emi Enye edifiakde idi ye nti ikọt Esie ndinin ebekpo ubọń Esie ke isọń, kpa ini ukara ke tọsin isua. Ke ufọt Ntań-ndọk Ufọk Abasi ye Eriyarare idem Jesus Christ, Usọrọ Ndọ Eyen-erọń eyeda itie ke Heaven ke ini Akwa Ukut edidude ke isọń.

Ntań-ndọk Ufọk-Abasi edi edimen Nwan-ndọ Christ nnyọń, kpa mmọ oro ekenamde ọyọhọ mbeńe-idem ke isọń emi ndika ke ebiet emi Jesus okotimde ebeńe mmọ, man ediana ye Enye ke Usọrọ ndọ Eyen-erọń. Jesus ọkọdọhọ ete, “mmọń nka nkitim itie nnim nnọ mbufo. Ndien edieke nkadẹ nkitim itie ntre nnọ mbufo, nyefiak ndi ndida mbufo nnọ idem Mi; man mbufo enyuń edu ke ebiet eke Ami ndude” (John 14:2, 3).

### Nnyin Iyedọk

Mbiet ofuk mme udi, ebiet mme nwe emi enimde ke abańa ibat mme akpa mkpa; efre ebańa mmọ ema ekekpa; ekeme ndidi ekẹfọfọp owo, ekeń ntọń eduok, mme mmọ emi ebukde ke udem inyań, edi baba nkpọ kiet idibińokke mmọ emi ekpade ke Christ ndiset nworọ ndi ke ini ukorowo Abasi edisorode uyo. Ifiok emi ekpepde (science) etiń ọńọ nnyin ete ke idem nkpọ ikemeke nditak ke isọń ofuri ofuri etre ndinyene ekpri nsuhọ. Okposuk edi nte ikpohidem nti ikọt Abasi efiakde ke ntan, ke adańa emi Ọbọñ editode ke Heaven ọshọre ye mkpọ ye uyo archangel ye ukorowo Abasi, mmọ kiet kiet eyeset eworọ ke ntan isọń ye ikpkidem ubọń. Jesus ọkọdọhọ ete, “ini ke edi eke kpukpru mme andidu ke udi edikopde Enye uyo ewọńọ edi” (John 5:28, 29).

Job ama ọsọnọ etiñ ke ini enye ọkọdọhọde “Akpakam ewet ndien ikọ mi! Akpakam efik mmọ esin ke ñwed! Eda ntañwed ukwak ye ñket ekap ikọ mi esin ke itiat ke nsinsi! Ndien ami mmọfiok nte ke Andifak mi odu uwem; ndien ke akpatre enye eyedaha ada ke ntan isọñ: Ndien ke ikpọk-idem mi ama abiara ama, nyedu ke obuk-idem mi ñkut Abasi: Emi ndikutde ke idem mi, enyin mi eyenyuñ ekut enye, idikwe owo efen; ñkpọ emi odude mi ke ikpanesit eyemere” (Job 19:23-27).

### **Akpa Eriset**

Kpukpru mme akpa mkpa ọtọñọde ke Adam tutu osim akpatre owo emi edikpade, eyeset ke mkpa, “Edi kpukpru owo ke idaha esie; Christ ebemiso eset nte akpa mbuñwum; ekem mmọ emi edide ikọt Christ eyediana ye Enye ke eridi Esie (1 Ñwed Corinth 15:23). Eriset ndinen mme akpa mkpa emi ediọñọde nte “akpa eriset” edi ke ediwak ikpehe; oro edi, Christ nte akpa mbuñwum, ebem iso eset ọwọrọ nte idiọñọ idọk emi editienede. Ema enyuñ etiñ ñko enọ nnyin ete ke ini emi Jesus akakpade, “mme udi enyuñ ekubọre; enyuñ enam ediwak mme okpo nti ikọt Abasi, emi ekedede, eset; mmọ oro enyuñ ewọñọ ke udi, ke Enye ama ekeset ke mkpa, eduk ke edisana obio, ewut ediwak owo idem” (Matthew 27:52, 53). Idorenyin nnyin ke abaña eriset ke mkpa ikọñọke ke mbuqtidem ikpọñ, edi ọkọñọ ke ndifiok nte ke Jesus ama eset ọwọrọ ke udi, inyuñ idige Enye ikpọñ, edi ediwak nti ikọt Abasi ema eset ye Enye. Ntre sia ema eketañ akpa mbuñwum eduk, nnyin imotim idori enyin ke idọk eke editienede.

Etiñ enọ nnyin ete ke mme akpa mkpa ke Christ edibem iso eset ke eridi Esie. “Eyefri ukorowo, ndien eyenam mme akpa mkpa eset nte mmọ midikemeke ndibiara aba, eyenyuñ ekpuhọre” (1 Ñwed Corinth 15:52). Ata anyan ini ko ke edem, ekesida ukorowo edemere mbon-ekọñ ke idap, edi usen emi ukorowo Abasi edisiorode uyo editie didie, emi mme akpa mkpa ke Christ edidemerede ke idap mmọ iwọrọ ke ntan isọñ. Mme ukpọñ ikọt Abasi emi ekpade, eka nnen-nnen ke Heaven. Ke adaña emi Christ edifiakde idi ke Ntañ-ndọk, eyesine mme ukpọñ emi ikpohidem emi midibiarake aba, mmọ eyeyuñ eda se mmọ ekekpọñde ke udi ke ini emi mmọ ekekpade esaña ye ikpohidem eriset emi. Edibot ikpọkidem eriset emi “esin ke mbiet idem Esiemọñ emi enyenede ubọñ” (Ñwed Mbon Philippi 3:21).

Ñko mme odu uwem nti ikọt Abasi emi ekande, “eyenam kpukpru nnyin ikpuhọre, ke idaha kiet, ke eriyip enyin kiet: ndien “eyemen nnyin emi idude uwem, emi isuhọde, edọk ye mmọ ke ikpa enyọñ, man isobo ye Ọbọñ ke enyọñ. Imokut ndien ite ke Ntañ-ndọk Ufọk Abasi, emi edide akwa idọk Akpa Eriset, enyene mme odu-uwem, kpa nti ikọt Abasi emi akande ye mmọ emi ekekpade ke Christ.

### **Mme Ntọt**

“Eyak nnyin itaba idap ikpeme, imum idem ikama.” Mme efre-idem ye mbon emi minyeneke inem inọ ñkpọ Abasi, okposuk edi oro mmọ ekotde idem mmọ mme anditiene-Christ, edu ke ata idiok itie emi edikpọñde mmọ ke isọñ ke ini ukorowo edisiorode uyo. Jesus ọkọnọ nnyin ñke emi abañade nditọ iban duop nte ntọt ọnọ mmọ emi minamke ọyọhọ mbeñidem ibaña eridi Esie. Nso utọ abiaña ke edidi ọnọ mmọ emi ekedoride enyin ke ndibuana ke esit, ndikut nte eberide usuñ ebaha mmọ ke aña! Anie ekeme ndikere mbaña utọ ukut emi okodude ke ukpọñ mmendisime nditọ iban ition emi utuenikañ mmọ mikasakke aba, ndiwut nte ke mmọ ikọbọhọ aran Spirit oro ke ini Abasi akañwañade Spirit Esie ọnọ ofuri obuk idem? Nte afo ama ọbọ uduok-mmọñ Edisana Spirit?

Kere baña ndik emi idiok asaña-utom oro ekenyenede ke ini enye akadade ke iso Andibot enye. Mfaña esie okobiom enye ikpe, talent emi odorode ke okpokoro, emi enye mikadaha inam ñkpọ ekedi idiọñọ ndiwut ete ke enye okokokoi esin. Ekere ete ufen esie okokpon adaña didie ke ini emi eduokde enye ke ekim ye eyet ye ntaedet koro enye ekesinde eti ifet emi ekenyenede? Nte afo ke ayak mme enọ fo esin ke ndinam utom Edidem?

“Koro kpukpru mbufo edi nditọ uñwana ye nditọ uwemeyo” nnyin idige mbon okoneyo, inyuñ idighe mbon ekim” (1 Ñwed Thessalonica 5:5). Ikọ Abasi ọnọ nnyin uñwana, kpa nte Enye odude ke uwana, nnyin imoduk nduk ye kiet eken, ndien iyip Jesus Eyen Esie eyet nnyin isana ke kpukpru mme idiok-ñkpọ” (1 John 1:7). Mme ntọt ke Ñwed Abasi ewak, akpan-akpan mmọ oro etiñde ebaña eridi Ọbọñ, ọfọn ndikpeme. Nnyin ikpeme ke ndida edu-uwem nnyin ndomo ye Ikọ Abasi. Nte afo ke odomo uwem fo ese, me ke ọnọnọ mfaña?

## **Ñkpo-ekõ**

Eyak nnyin, emi idide nditõ uwemeyo, imum idem nnyin ikama, isine mbuotidem ye ima nte ñkpo ikpanesit, inyuñ iyara idorenyin erinyaña nte ndun ibuo.” Ata eyen Abasi idiyuhõke ke ndinyene erifen ke mme idiõk-ñkpo ndien aka akanana ede. Nnyin inyene ndisin ifik ñkõri ke mfõn Abasi, ndika ntõtuñõ-ntõtuñõ ye Abasi oto ke akam mbuotidem ye edikpep Iko Abasi. Ana Edinam-asana emi edide oyõhõ utom mfõn iba, enõ emi owo enyenede oto Oboñ adiana man añwam erinyaña ukpoñ. “Abasi emem ke Idem Esie akpakam anam mbufo esana ofuri-ofuri, ke Spirit ye ukpoñ ikpõhidem, anam mbufo ekunyene ndo ke ini Oboñ nnyin Jesus Christ edidide” (1 Ñwed Thessalonica 5:23). Ke ndidian ye edinam-asana, owo enyene ndiyom tutu obo uduok-mmõñ Edisana Spirit emi Jesus okõñwõñõde, emi mbet ekenyuñ ebõde nte ewetde ke Utom Mme Apostle ibuo 2: man ekeme ndidi mbak Ñwan-ndõ Christ.

Ndien ana nnyin ikpono “mmõ eti-eti ke ima ke abaña utom mmõ” ye mmõ emi “ekarade mbufo ke Oboñ.” Ekpep nnyin ndikop item mme andida nnyin usuñ ke ñkañ ñkpo Spirit. “Ekop uyo mme andida mbufo usuñ, enyuñ esuk ibuo enõ mmõ; koro mmõ ekpemedede eyom ufõn ukpoñ mbufo” (Ñwed Mme Hebrew 13:17). Nsuhõridem edi edu uwem Ñwan-ndõ Christ. Ke ini ewetde nnyin ndudue nnyin, eyak nnyin iti ke ekekot nnyin man ibet “kpukpru oruk idiõk-ñkpo” (1 Ñwed Thessalonica 5:22). Eyak nnyin isik ikpoñ idiõk, adaña nte ikekeme, inyuñ isik ikpere Abasi adaña nte ikekeme, man anam nnyin ikunyene “ndo ke ini Oboñ nnyin Jesus Christ edidide” (1 Ñwed Thessalonica 5:23).

### **MME MBUME**

- 1 Nso ñkpo-ntibe iba esine ke editõñõ ntañ ndi Christ?
- 2 Tiñ ñkpo baña Ntañ-ndõk.
- 3 Mme anie edinyene udeme ke Ntañ-ndõk?
- 4 Siak eriset mme akpa mkpa ke idaha ke idaha.
- 5 Mme ukpoñ mme akpa mkpa emi edu mmõñ ke emi? Nte mmõ ediõñõ idem mmõ?
- 6 Da eriset ke mkpa domo ye idõk.
- 7 Nso utõ ntim-idem ke eyom mbemiso iso owo ekeme ndisobo ye Oboñ ke ofum?
- 8 Tiñ se õfiõkde abaña idaha Ufõk-Abasi emi Christ akakpade abaña.
- 9 Siak ndusuk mme idiõñõ eridi Oboñ.
- 10 Eda eridi Oboñ edomo ye nso?